

Guangjisi Minzcu Bau

ganhhau: CN45-0036 B.2016 Nd.7 Ng.13 liggaeuq bingjsaen nienz ndwenloeg cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3232期

Lungzanh "Bak Ciengz Denyingj Vahcuengh Haeuj Gih-cwngz" Goeng'ik Cuengqingj Hozdung Ndae Haenh 隆安“百场壮语电影进基层”公益放映活动深受好评

Bineix doxdaeuj, Lungzanh Yen gig yawjnaek hong cuengqingj denyingj vah minzczu, guh lajmbanj goeng'ik denyingj cuengqingj hozdung doengzseiz, haiguh Lungzanh Yen "bak ciengz denyingj Vahcuengh haeuj gihcwngz" goeng'ik cuengqingj hozdung. Daengz 6 nyied 28 hauh, gungh cuengqingj benqgojgaeq vah minzczu 249 ciengz, gohgyau ingibenq 287 ciengz, cuengqingj ciengz-

baez mauhgvaq dajsuenq cuengqingj yinvu, bouxyawj daengz 57320 vnzbaez.

Cuengqingj hozdung seiz, Lungzanh Yen roengzsim senj benq cuengqingj, senj le buek denyingj ndei soengq daengz gak mbanj cuengqingj, lumjbaenz 《Singcungq Diegbingz》《Laizfuz Laizfuz》《Diegnamh Lajmbanj Riuzcienj》daengj, ingibenq neiyungz depgaenh saedceij vnzlai

dangdieg, daezcaiz fungfouq, ndaej daengz vnzlai haengjgyaez.

Yamqlaeng, Lungzanh Yen yaek aeu gij maqmuengh caeuq aeuyungh vnzlai doiq denyingj Vahcuengh Lungzanh haenx guh guhhong doenghlig, gvaqlaeng yaek haekfug hojnanz, roengzsim senj denyingj Vahcuengh Lungzanh engq lai engq ndei soengq daengz gak mbanj cuengqingj. (Veiz Yinjsenz/韦尹璇)

SIUSIK DINJ

简讯

● Bineix dwg bi daih'it Swcigih Yinzminz Cwngfuj baecinj cugyamq haiguh hong Sawcuengh Vahcuengh suijbingz gaujsi canzdaiva. 7 nyied 6 hauh, Swcigih Minzyijveij yaenqfat 《Sawcuengh Vahcuengh Suijbingz Gaujsi Gunghgau》, caemhcaiq fatroengz mizgven dunghcih, dingh bi 2016 Sawcuengh Vahcuengh suijbingz gaujsi yaek youq 7 nyied 30 hauh youq Guengjsae Minzczu Dayoz gauj. Seizneix, gak hangh hong caepcawq gaujsi cingq miz bouhloh haiguh.

(Swcigih Minzyijveij Ying-yungcu)

● 7 nyied 9 hauh, Lungzswng Gak Cuz Swciyen Byauzlij Cin Gyauhcouh Cunh banh gaiq daeuz "aenmbanj nyawhnding · swnghdai gyaranz" ciet vwnzva lijyouz nem angqhoh "ndwenloeg coloeq" conzdungj cietndei hozdung. Hozdung ngoenzhaenx banh le cien vnz ngaizbakranz, nyawhnding gaicawx, biujyenj minzsuz vwnzyi daengj hozdung, yinx ndaej haujlai bouxhek daj Huznanz, Guengjdoeng daengj daeuj haenx doxcomz Gyauhcouh Cunh, caeuq vnzlai dangdieg itheij angqhoh cietndei.

(Banh Cisiengz Mungz Liujgez)

● 7 nyied 9 hauh, Lingzconh Yen Giujvuz Cin Dunghyenz Cunh Mbanjlaujai banh Ranz-yauz "ndwenloeg coloeq" cietcimzmoq hozdung, ndawbiengz gak hangz sinhvwnz meizdij, bouxhek caeuq vnzlai dangdieg 1000 lai boux doengzcae angqhoh ngoenzciet Mbanjyauz. Hozdung ngoenz haenx haiguh le doiq fwen, fouxgyongraez nem minzczu conzdungj vwnzyi yienjok.

(Lingzconh Yen Minzczu-giz)

● Mboengqneix, vihliux fuengzre fatseng saeh mbaetraemx, Yungzanh Yen Hungz-sizswvei vih 300 lai boux hagseng Yungzanh Yen Daihngaih Saedniemh Siujyoz hwnj le dangzgoq beizyin fuengz mbaetraemx aen cawjdaez dwg "in'gyaez sengmingh lizgyaez mbaetraemx" he, ndaej daengz lauxsae caeuq gyoengq hagseng haenh.

(Couh Dungz)

Lungzlinz Banh Gaiq Daeuz Ndwenloeg Coloeg Cietgingqnaz



隆林举办首届六月六敬田节

7 nyied 9 hauh(liggaueq ndwenloeg coloeq), dwg geiq-ciet haeuxnaz majhung, Lungzlinz Gak Cuz Swciyen Sinhcouh Cin Mbanjgyangh-gvanj angqbahn ndwenloeg coloeq cietgingqnaz.

Ciuq cam rox, ndwenloeg coloeq cietgingqnaz, dwg cungj conzdungj vwnzva hozdung Dahnanz-banzgyangh song hamq Bouxcuengh, Buyihcu dajndaem guh hong seiz guhbaenz, neiyungz baugvat gingq reihnaz, gyaep fangzsaenz caeuq son'gyauq guenlleix reihnaz cihsiz daengj. Ndw doz dwg gyoengqvunz ram mou bae caeq naz.

(Luz Caudwz Dangz Gvanghvaz Veiz Dwzvaz)

Lungzswng Gaem Ndei Hwnjguh Aenmbanj Saujsu Minzczu Miz Daegsaek Coicaenh Gizdieg Minzczu Siujganh

龙胜以建设少数民族特色村寨为抓手促进民族地区小康

Bi 2016, Lungzswng Gak Cuz Swciyen Minzczugiz gaem ndei hwnjguh aenmbanj saujsu minzczu miz daegsaek, cienzmienh doicaenh gizdieg minzczu hwnjguh siujganh ndawbiengz, aeundaej cingzci yienhda.

It dwg dingh'ok hwngfat gveihva aenmbanj saujsu minzczu miz daegsaek. Giendingh gij yenzcwz "baujhoh ciemqgonq, yawjnaek hwngfat, doed ok cungdenj, yienh'ok daegsaek, gveihva byaijgonq, miz bouhloh doicaenh, cwngfuj guhdaez, ndawbiengz camgya, vnzlai cawjdaej, mizik minzswng", hopheux aen muzbyauh dajcaux baenz saujsu

minzczu caeuq gizdieg minzczu seveicuyi lajmbanj moq hwnjguh, gohyoz dingh'ok hwngfat gveihva, vih yenveij, yen cwngfuj dajgauj sij le 《Lungzswng Gak Cuz Swciyen Aenmbanj Saujsu Minzczu Miz Daegsaek Baujhoh Caeuq Hwngfat Hengzguh Yigen》.

Ngeih dwg gyahung hwnjguh aenmbanj saujsu minzczu miz daegsaek giekdae sezsih. It fuengmienh, gaenxmaenx ceng'aeu ngaenzcienz guekgya, swcigih, si bued roengz hwnjguh aenmbanj saujsu minzczu miz daegsaek giekdae sezsih; lingh fuengmienh, cingjhab ngaenzcienz cwngfuj bued roengz hwnjguh aen-

mbanj saujsu minzczu miz daegsaek.

Sam dwg haenqrengz gaem ndei aenmbanj saujsu minzczu miz daegsaek baujhoh caeuq hwngfat. Ciuq baujhoh ciemqgonq, hablex haifat cungjdae lohnaemj, haenqrengz dajcaux buek aenmbanj daegsaek miz gyaciz, miz yingyangj he, aeundaej cingzci yienhda. Buek aenmbanj saujsu minzczu miz daegsaek he ndaej senj haeuj guekgya, swcigih gaep baujhoh mingzloeg, miz 11 aen mbanj ndaej daengz Guekgya Minzveij ancoh baenz buek daeuz "aenmbanj saujsu minzczu miz daegsaek Cungguek".

(Lungz Cwng/龙政)